

predictus abbas Milo preesse dinoscitur, res etiam et possessiones eiusdem Monasterii, ipsumque abbatem et monachos eius, homines quoque Monasterii et universam eius familiam, sub nostram Imperialem protectionem ac defensionem suscepimus, et quia prefatus abbas hominum nobis fecit, et Imperio fidelitatem iuravit, de omni iure et honore suo investituram ei fecimus et concessimus. Preterea quascunque res vel possessiones predictum Monasterium in presenti iuste possidet, vel in posterum iusto modo poterit adipisci, nostra imperiali auctoritate roboramus, et eidem Monasterio confirmamus. Statuentes quoque firmiter precipimus, ne de cetero aliqua civitas, sive Padua, sive alia, neque episcopus, neque dux, non marchio, non comes vel vicecomes, nulla potestas, nulla etiam persona, magna vel parva, predictum monasterium in aliquo disvestire, vel res eius aut possessiones inquietare vel molestare audeat, nullumque fodrum, nec exactionem aliquam, nec bandum, nec albergariam, ab ipso monasterio vel eius hominibus exigere vel accipere presumat, excepta nostra persona vel nostro certo misso. Si quis vero contra hoc nostrum preceptum ausu temerario venire vel aliquid facere presumpserit, auri optimi . L^{ta} . libras pro pēna componat, dimidium fisco nostro, et dimidium prefato monasterio.

Dat. in territorio Taurinensi, anno dominicę Incarn. M^o. C^o. lxiij^o. Regnante domino Frederico Romanorum Imperatore victoriosissimo, anno Regni eius . x^{mo}. Imperii vero . viij^{vo}. post destructum Medyolanum . viij^{vo}. Idus Augusti.

Auch der folgende Schutzbrief Heinrichs VI. vom 23. Februar 1191 ist ähnlicher Art, nur viel kleiner. Das dünne, innen weisse Pergament ist unregelmässig geschnitten, fast ohne Rand, ohne Linien; die Schrift klein und zierlich, aber unscheinbar und mit blasser Dinte geschrieben. Das Siegel ist verloren.

HEINRICUS SEXTUS DEI GRATIA ROMANORUM REX ET SEMPER AUGVSTVS. Licet ad universas ecclesias Dei et personas ecclesiasticas maiestatis nostre tuitio generaliter debeat extendi, eas tamen specialiter favore benignitatis non inmerito decrevimus amplecti, quas amplioris debitum fidelitatis certiori nobis devotione commendavit. Quapropter notum sit universis Imperii fidelibus per Ytaliā constitutis tam presentibus quam futuris, quod nos pro remedio anime nostre et parentum nostrorum, atque venerabilis abbatis Milonis pia precum instantia, Monasterium sancte Trinitatis sanctique Michaelis archangeli de Brundulo, quod antecessor noster dive memorie Imperator Karolus dicitur construxisse, cui etiam fidelis noster predictus abbas Milo preesse dinoscitur, res etiam